

մէջ: Նմոյշի համար յիշենք թէկուզ Իսրայէլ Օրիի 1701 թ. Յուլիս 29-ի ցուցմունքը ուսաց արքունիքում, ըստ որում Հայաստանի ազատութեան դործում նրա գլխաւոր աջակիցներն են երկու եզուրիտ քարոզիչներ — պատէր Վոյֆը՝ գերմանական կայսեր արքունիքում եւ պատէր Պատիէն՝ Պֆալցի իշխանի մօտ¹⁾:

Այսպէս ուրեմն, հայ քաղաքական միտքը, մի շարք հասկանալի պատճառներով, ամբողջ մէկ ու կէս դար յաճում է Արեւմուտքում եւ Հայաստանի ազատութիւնը եւրոպական արքունիքում որոնում—սկսած Ստեփաննոս կաթողիկոս Սալմաստեցու Հոովմ մեկնումից (1548 թիւ) մինչեւ Իսրայէլ Օրիի դործունէութեան առաջին շրջանը, 1700—ական թուականները:

Հայոց կողմից, գլխաւորապէս էջմիածնի կաթողիկոսների անունից, կատարւում են անվերջ դիմումներ, ուղարկւում են պատգամաւորութիւններ, ընծաներ, դրւում են աղերսագրեր եւայլն: Պատասխանը շարունակ լինում է հաւաստիացումներ, յուսադրումներ, քաղցր խոստումներ: Բայց կեանքը գնում է իր ճանապարհով եւ հայ ժողովրդի ստրկութիւնը մահմեդական լծի տակ նորից շարունակւում է:

II. ՌՈՒՍԱԿԱՆ ՕՐԻԵՆՏԱՅԻՍ.

1.

Երկար ու անպտուղ որոնումներից յետոյ՝ հայ քաղաքական միտքը վերջապէս իր յոյսը Արեւմուտքից կտրած, դառնում է դէպի Արեւելք, դէպի Ռուսաստան, եւ Հայաստանի ազատութեան տենչերը այժմ էլ Ռուսաստանի հետ է կապում: Անգամ Իսրայէլ Օրիի նման համոզուած արւեմտականը, անցեալի եւ իր անձնական դառն փորձերից յուսահատ, վերջի վերջոյ հրաժեշտ է տալիս Արեւմուտքին եւ իր երկրի փրկութիւնը փորձում է ուսական արքունիքում գտնել:

Սակայն չպէտք է մոռանալ, որ Իսրայէլ Օրիից առաջ էլ նման մէկ փորձ կատարուել էր

— Յակովբ Գ. Զուղայեցի կաթողիկոսի օրով: Ինչպէս յայտնի է՝ 1678-ի ամառը էջմիածնում գումարուած ժողովի կողմից երկու պատգամաւորութիւն է ուղարկւում — մէկը Արեւմուտք, եւրոպական պետութիւնների դռները բխելու, իսկ միւսը, կրկին նոյն նպատակով, դէպի Ռուսաստան:

Բայց նրանից յետոյ, մեզ անյայտ պատճառներով, հայ քաղաքական մտածողութիւնը մի անգամ ընդ միշտ հրաժարւում է Ռուսաստանից եւ իր բոլոր յոյսերը բացառապէս Արեւմուտքի հետ կապում:

Եթէ հաւատանք հայ մեյլիքների տուած բացատրութեանը, դրա պատճառն այն է, որ հնում մեր կեանքի ղեկավարները միշտ կասկածանքով են նայել Ռուսաստանի վրայ: Նըրանք վախեցել են, թէ մի գուցէ Ռուսաստանի միջոցով ազատագրուելով, հարկադրուած լինին յունադաւանութիւն ընդունել, որը — իրենց ասածին պէս — լի է աղանդներով ու հերձուածներով:

Թերեւս աւելի հաւանական է ենթադրել, որ Ռուսաստանը ղեռ եւս նոր-նոր կազմակերպուող մէկ պետութիւն լինելով, չունէր հայ ժողովրդի աչքում այն հմայքը, ինչ որ ունէր Արեւմուտքը: Աւելի. 16, 17 եւ մինչեւ իսկ 18 դարի առաջին կէսերում Ռուսաստանը հայ ժողովրդի համար քաղաքականապէս եղել է «մի անձանօթ երկիր», terre incognita: Ապացոյց, որ Զամչեանի «Հայոց պատմութեան» նման ընդարձակածաւալ մէկ աշխատութեան մէջ, որը հասցուած է մինչեւ 1784 թիւը, եւ ո՛չ մի խօսք չկայ Ռուսաստանի մասին, հայերի եւ ուսնների յարաբերութեան մասին եւն. կարծէք աշխարհում Ռուսաստան անունով մէկ պետութիւն գոյութիւն էլ չի ունեցել:

Ճիշդ է, հայերը ղեռ շատ վաղ ժամանակներից առեւտրական յարաբերութիւններ են ունեցել Ռուսաստանի հետ, ինչպէս նաեւ նրա միջոցով Եւրոպայի ու արեւելեան Ասիայի հետ: Ռուս պատմադիր Կարամզինի վկայութեամբ՝ Վոլգայեան Բօլգարների մայրաքաղաքի աւերակներում — այժմեան Կաղան քաղաքից 90 վերստ հեռու, Վոլգայի վրայ — գտնուել են շատ գերեզմանաքարեր Զ. եւ Թ. դարերից: Գտնուել են նաեւ հայկական դրամներ ու ար-

1) Լէօ, «Հայոց Հարցի Վաւերադրերը», եր. 6, Եզեանց, «Պետրոս Մեծի Յարար.», եր. XIX, փաստաթուղթ թիւ 44, մեր յօդուածը՝ «Յակովբ Զուղայեցի»: